

## Imphilo Yami Yesikolwa Ngesikhatsi Selibhubhane (Wonder N. Dlamini, NCHU)



Ngangicabanga kutsi i-COVID-19 yintfo letophela masinyane ngemunyaka wa-2020, kodvwa ke akubanga kanjalo ngoba ligciwane laqhubeka nekwandza emhlabeni wonkhe ngisho nanga-2021 lavalala indlela yetfu yekuphila lejwayelekile. Ngesikhatsi selibhubhane ngangihlala eveni leliphilile liphindze latiwe kakhulu iTaiwan, leli live lisenshonalanga ePacific Ocean lokwaba live leladvuma ngekutsi bantfu incumbi bafisa kuyohlalakhona ngenca yekutsi lesive sakuleli live saphumelela ekulwenini naleligciwane. Sitsa semoya sahlasele umhlaba wonkhe etinyangeni letimubalwa emuvakwekutsi ngicale i-Master yete-Science kulenye inyuvesi lehamba embhili iphindze ibe yincenye yeTaiwan Comprehensive University System (TCUS), lokutsiwa iNational Chung Hsing University (NCHU), lesedolobheni lokutsiwa iTaichung, lokulidolobha lelihle nalaphokhona imphilo ikahle iphindze icicima.



Lipalishi nenyama

lipalishi



emabhontjisi



venkukhu

Invama



venkhomo

neyengulube



I-NCHU ngulenywe yemanyuvesi lashintjela emfundwveni ye-inthanethi ngemuva kwekutsi hulumende wase-Taiwan i-Central Epidemic Command Centre ivete umyalo mayelana nesifo besingena esigabeni sesibili mhla tingu-12 kuNkhwekhweti emunyakeni wa-2021. I-TCUS yona yehluka kuletinye tindzawo ngoba beyitilungiselele ngemuva kwekutsi kufike lesi simo emunyakeni wa-2020, loku kwenta i-NCHU yakwati kushintjela ekufundzeni kwe-inthanethi ngaphandle kwekumosha sikhatsi emuva kwekwatiswa ngesikhatsi lesifishane ngemunyaka wa-2021. Inyuvesi yakwati kusetha isoftware lefanele yekusita ekufundzeni nge-inthanethi futsi labafundzisa e-NCHU banelwati lelanelle lekufundzisa online. Imphilo yami yasesikolweni ibenetingcinamba letinengi kodvwa ke njengemufundzi lobhekene neticu tesayensi kwamele kutsi ngichubeke nemusebenti wetesayensi phindze ngiye etifundweni te-seminar online ngalesi sikhatsi sekuhlukaniswa. Lokunye futsi njengemucwaningi nemuntfu losita bafundzi ngachubeka nekusita bafundzi ku-inthanethi, lengakubona kulesi sikhatsi kutsi bafundzi bebatfukile batatabela ngako bebanemibuto leminengi.

Umtselela waleli bhuhane ube mkhulu emikhubeni yami yemihla nemihla nasendleleni lengiphila ngayo lokwabanga kutsi loku kubenemitselela emphilweni yami yakamoya kanye nasenyameni. Lokufaka ekhatsi imisebenti yekutitfutukisa esikolweni kwavalwa ngangakhoni ngisho nekuya ejimini yesikolwa njengoba bengijwayele kuyakhona. Lokunye lokwavalwa kufaka ekhatsi kuvakasha ngetemfundvo netindzawo tekutijabulisa nato tavalwa tonkhe. Besengingakhoni kuhlanyanya nebantfu incumbi lokufaka ekhatsi bangani bami, lengifundza nabo kanye nebaligani bami. Kuhlanguka kwebantfu labangetulu kwalabasihlanu ngekhatshi endlini nako kwavalwa. Kudla ngekhatshi kwato tonkhe tindzawo tekudlela kwamiswa. Esikhatsini lesinengi bengitiphekela kwami kudla endlini bese ngiphatsa lokunye esikolweni. Kupheka kudla kwami kwasho kushintja indlela lengidla ngayo. Kwamela kutsi ngingabi ngulosondzelako ebantfweni ngalesi sikhatsi sesifo, futsi lokunye kwakubhekeke kutsi ngigcoke imaskhi ngaso sonkhe sikhatsi mangiphuma ngaphandle endlini yami. Lokunye futsi bekubhekeke kutsi lenamaski yami ngiyifake noma ngenta umusebentiwesikolwa ngisho ngabe ngihleli ehovisi lebafundzi esikoleni. Ekucaleni bekumatima kakhulu kimi kuphefumula kahle uma ngigcoke imaski ngoba lesi kwakusikhatsi sami sekucala emphilweni yami kutsi ngifake imaski. Bengifoma kakhulu mangigibele libhayisikilini lami ngenca yemaski lebe ivale buso bami.

Tukwako konkhe ngikukhandza kuyinhlanhla kutsi lesi simo sangitfolo ngiseNCHU ngoba kwaba bete lokungako ngakimi lokonakalako kakhulu ngesikhatsi se-COVID-19 mangimatanisa naletinye tindzawo emuhlabeni wonkhe jikelele. Loku kwaba yimiphumela yetinyatselo tekuvikela tahulumende waseTaiwan letalandzelwa yiNCHU. Kungenteka kutsi tindlela tekuvikela betingenti kutsi ngikhululeke njengendlela lebeyijwayelekile kodwa ke kwangitfokotisa kulandzela yonkhe imigomo lebe ibekwe nguhulumende waseTaiwan ngoba beyentelwe kusiphephisa. Lenye intfo lenhle kutsi akumiswanga konkhe lana eTaiwan njengalamanye emave tintfo letinye tachubeka ngendlela lejwayelekile. Phakatsi kwengcinamba yelibhubhane lwe-coronavirus kuba se-NCHU bekusho kutivela uphephile ngoba iTaiwan ibalwe njengalelinye lemave lahamba phambili ngetebuchwephesha. Ngaphandle kwetebuchwephesha lobusembili, luhlelo lekunakekelwa kwetempilo lwaseTaiwan lubekwe njengaloluncono kakhulu emhlabeni wonkhe jikelele ngoba libonakele livetwa katsatfu eminyakeni lephindzanako ngaphansi kwelicwaningo lelentiwa minyaka yonkhe ku-inthanethi ehlangotsini laka-Numbeo.



I-COVID-19 yatsintsa wonkhe umhlaba kodwa i-NCHU yakhona kuma ichubeke ngendlela lengiyo. I-NCHU yasita kakhulu ngesikhatsi selibhubhane. Inyuvesi i-NCHU yanika imigomo lokufaka ekhatsi indlela yekuphila lephephile nekutsi wonkhe bekubhekeke kutsi entenjani ngalesi sikhatsi se-COVID-19. Kwaba nemilayeto mihla yonkhe yekusinika lwati ngaleso sikhatsi.

Ngasebenta ngekutimisela nekutikhandla kanye nekusitwa ngulobe angumeluleki wami ekugcineni ngaphasa ngemalengiso ngeNhlaba ku-2021 ehlangotsini letemuhlaba kanye nete sayensi. Ngitsandza kudvumisa futsi ngibonge Nkulunkulu lophilako longumunimandla onkhe ngekungivikela kwakhe, nekunginika kuhlakanipha netibusiso, nemandla ekuchubeka ngiphumelele, kanye nekuphila phindze lokufaka ekhatsi nekuphumelela kwalengiphilanabo. Angitikhandzi ngingulomuntfu lenginguye lamuhla ngaphandle kwekusekelwa bantfu lengiphile nabo yonkhe leminyaka lendlulile. Imphilo ngiyitsatsa njengeluhambo lelisinika imigomo yekwenta lushintjo emuhlabeni, kuleyo ndlela sihlukaniswa bantfu lesiphila nabo kanye nematfuba lesihlangana nawo endleleni.

